

【经文信息】大正藏第 14 册 No. 0503

比丘避女恶名欲自杀经 1 卷

No. 503

比丘避女恶名欲自杀经

西晋沙门法炬译

如是我闻：

一时佛住舍卫国祇树给孤独园，时有异比丘，在拘萨罗人间住一林中。时彼比丘与长者妇女嬉戏，起恶名声。时彼比丘作是念：「我今不应其他妇女起恶名声，我今欲于此林中自杀！」

时彼林中，止住天神作是念：「恶、不善不类，此比丘不坏无过，而于林中欲自杀身，我今当往，方便开悟！」

时彼天神化作长者女身，语比丘言：「于诸巷路四衢道中，世间诸人，为我及汝起恶名声言：『我与汝共相习近，作不正事。』已有恶名，今可还俗，共相娱乐。」

比丘答言：「以彼里巷四衢道中，为我与汝，起恶名声，共相习近，为不正事。我今且自杀身。」

时彼天神还复天身，而说偈言：

「虽闻多恶名，	苦行者忍之，
不应苦自害，	亦不应起恼。
闻声恐怖者，	是则林中兽，
是轻躁众生，	不成出家法。
仁者当堪耐，	下中上恶声，
执心坚住者，	是则出家法。
不由他人语，	令汝成劫贼，

亦不由他人， 令汝得罗汉；
如汝自知己， 诸天亦复知。」

尔时比丘为彼天神所开悟已，专精思惟，断除烦恼，得阿罗汉。

比丘避女恶名欲自杀经

【经文信息】大正藏第 14 册 No. 0503 比丘避女恶名欲自杀经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，维习安大德提供之高丽藏 CD 经文，维习安大德提供，阎学新大德输入 / 沈介盘大德校对，北美某大德提供，三宝弟子提供新式标点

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
